

ՊԱՏՄԱ-ԲԱՆԱՍԻՐԱԿԱՆ

ՆԱԻՐՎՈՐԾ Է ՀՍՅԱՍՏԱՆՈՐԾ ԲՐԻՍՏՈՆԵՈՐԹՅՈՆ
ՊԵՏԱԿԱՆՈՐԵՆ ԸՆԴՈՒՆՄԱՆ 1700-ԱՄՅԱԿԻՆ

ՊԻՈՆ ՀԱՎՈՐՅԱՆ

Բանասիրական գիտությունների դոկտոր

ԵՊԻՍԿՈՊՈՍԱԿԱՆ ԱԹՈՌՆԵՐԸ ԳՐԻԳՈՐ ԼՈՒՍԱՎՈՐՁԻ ՕՐԵՐԻՆ՝

Եպիսկոպոսական առաջին շուրջ 30 Աթոռներից Գրիգոր Լուսավորչին հոգեհարազատ էր Տարոնի վիճակը, որին հենց սկզբից, թե՛ որոշ ժամանակ անց, առաջնորդ է կարգում իր վստահությունը շահած և հեղինակավոր հոգևորականներից մեկին՝ «մեծն Դանիել Ասորուն»։ Ազաթանգեղոսի հունական և արաբական խմբագրությունները Տարոնի եպիսկոպոս են հիշում Աղքիոսին, որի անվան կապակցությամբ վերևում մեր տարակուսանքներն արտահայտեցինք։ Փախտոս Բուզանդն անուղղակիորեն փարատում է մեր տարակուսանքները և անվանում այդ Աթոռի իրական առաջնորդի անունը. «Բայց յայնժամ դեռ ևս կենդանի էր ծերունի սուրբ մեծն քորեպիսկոպոսն Դանիել, այդ սքանչելի։ Աշակերտ եղեալ էր սա մեծին Գրիգորի, վերակացու և գլխաւոր Եկեղեացն մահանգին Տարօնոյ, Գրիգորի ձեռակամ՝ իշխանութեանն կողման մասին գործակալութեանն մեծի դատաւորութեանն, ունէր զիշխանութիւնն զայն առանձինն. այլ վերակացու և հրամանատար տեսուչ և հոգաբարձու ամենայն եկեղեցեացն Հայոց մեծաց ընդ ամենայն տեղիս. այլ և ի կողմանս Պարսից յօտար տեղիս քարոզեաց սա, և անթիւս ի մոլորութեանէ դարձոյց։

Եւ էր սա ազգաւ ասորի. և ունէր սա զաստիճան Աթոռոյն գլխաւորութեան Տարօնոյ, ի մեծն և մախ զառաջին եկեղեցին ի Մայր եկեղեցեացն ամենայն Հայաստանեաց... Այս տեղիքս սմա էին յաճճ հանդերձ գաւառօքն յորս էին. հաւատարիմ էր սա այնմ գլխաւոր սեղանոյն, իշխանութեան Աթոռոյն Հայրապետացն, հաստատութեան ուխտին կաթողիկէ եկեղեցւոյն»²⁰։

Դանիել Ասորուն ընձեռված այսօրինակ քաղմապիսի արտոնությունները և ունեցած քացարձակ իշխանությունը Հայաստանյայց Եկեղեցու կյանքում ու միաժամանակ խիստ համեստ հոգևոր աստիճանը՝ քորեպիս-

* Սկիզբը տե՛ս «Էջմիածին» ամսագրի թիվ Բ, էջ 54։

20 Փախտոս Բիւզանդացւոյ Պատմութիւն Հայոց, հրատ. Ք. Պատկանեան, Ս. Պետերբուրգ, 1883, դպր. Գ, գլուխ ԺԴ։

կոպոս, որը, ըստ պաշտոնական ըմբռնման, շնորհիվ էր ոչ լիիրավ թեմակալներից և գյուղական շրջանների առաջնորդներից²¹, որպիսին իրականում նա չէր, ամհամատեղելի են միմյանց և պարտադրում են այլ նշանակություն տալ քորեպիսկոպոս հասկացությանը գոմե հայոց կյանքում: Ի դեպ, նույն իրողությանն ենք ակնհայտաբար դառնում դարեր անց, Հովհան Օձնեցու օրերին, մինչ ապրում ու գործում էր Գրիգորիս Արշարունյաց քորեպիսկոպոսը: Ժամանակակիցներից մեկը Մանագլեքտի 726 թ. եկեղեցական ժողովի առնչությամբ այս խոսքերով է քննադատում նրան. «... որոշ ժողովեալ ի մի վայր յԱպահունեաց գաւառ ի գեղմ Մանագլեքտ, ամենայն եպիսկոպոսաց համարնակ խոստովանութեամբ աշխարհիս Հայոց, եւ առաջնորդութեամբ քաջիմ եւ իմաստասիրի առն փիլիսոփայի Գրիգորիսի Արշարունեաց քորեպիսկոպոսի...»²²:

Նորից դարի ամենահեղինակավոր, գործերեց և իմաստուն հոգևոր առաջնորդն ու դարձյալ՝ քորեպիսկոպոսի խիստ համեստ աստիճանով: Կարելի է հիշել և ուրիշ օրինակներ, հետևությունը, սակայն, նույնն է լինելու. մեզ թվում է՝ հայ իրականության մեջ, իր պաշտոնական ըմբռնմանից բացի, «քորեպիսկոպոս» նշանակել է նաև հայրապետական փոխադրող կամ կաթողիկոսական տեղապահ, որը ներկա դեպքում միանգամայն պատշաճում է և՛ Դանիել Ասորու, և՛ Գրիգորիս Արշարունու իրական իշխանությանն ու խաղացած դերին Հայաստանյայց Եկեղեցու հովվապետական համակարգի մեջ՝ իբրև երկրորդ դեմք այդ Եկեղեցու ճվիրապետական կառույցում:

Ազաթանգեղոսի գույգ խմբագրություններում հիշված եպիսկոպոսական Աթոռներին հավելելով Ուխտանես Եպիսկոպոսի կազմած նույնաբնույթ ցուցակի տվյալները, որոնց արժանահավատությանն ճկատմամբ որևէ կասկած չունենք, համգում ենք այն տրամաբանական հետևության, որ անվանապես հայտնի եպիսկոպոսական Աթոռները Գրիգոր Լուսավորչի ժամանակ եղել են ոչ թե 30, այլ 50-ից էլ շատ ավելի: Նրանց մի մասը ժամանակի ընթացքում միացվել են իրար և հետագայում հանդես եկել որպես մեկ վիճակ կամ թեմ, ինչպես, օրինակ, Օհրակի և Արշարունյաց եպիսկոպոսական միացյալ Աթոռը: Ուրիշներն օժտվելով ավելի բարձր իրավունքներով՝ դարձել են ճվիրապետական կիսանկախ Աթոռներ, ինչպես Վրաց, Աղվանից և Աբխազաց թեմերը՝ իրենց հետ տանելով բուն Հայոց Եկեղեցու առանձին վիճակներ կամ թեմեր, ինչպես Ուտիքի Գարդման եպիսկոպոսական Աթոռը, որը հետագայում ենթարկվել է Աղվանից կաթողիկոսությանը: Ծանոթ են օրինակներ, երբ բաժանվել են միմյանցից նախկին միացյալ Աթոռները և հռչակվել միանգամայն անկախ

²¹ Տե՛ս Փավստոս Բուզանդի և Եղիշեի աշխարհաբար թարգմանություններին Ստ. Մալխասյանցի և Ե. Տեր-Մինասյանի կցած ծանոթությունները՝ Փավստոս Բուզանդ, Ե., 1987, էջ 425, ծան. 48: - Եղիշե, Ե. 1989, ծան. 48:

²² «Գիրք թղթոց», Բ հրատ., աշխատասիրությամբ Նորայր արքեպս. Պողարյանի, Երուսաղեմ, 1984, էջ 478:

թեմեր, ինչպես Տարոնի և Տալիսի թեմերը, կամ էլ, վերջապես, դադարեցրել են իրենց գոյությունը, իբրև հետևանք նախարարական տիրույթների և իշխանական տների տարածքներում եղած հոգևոր համայնքների ավելի խելամիտ բաշխման սկզբունքի, ինչպես Եկեղյաց, Դարամաղի և Եփրատական կողմանց թեմերը: Քաղաքներից երկուսի եպիսկոպոսներն էլ (Արտաշատ և Վաղարշապատ), թվում է, կորցրել են երթեմքի հեղինակությունը՝ ստանալով սոսկ տեղական նշանակություն:

Եվ, այնուհանդերձ, երկու ցուցակներում կան և՛ համընկնումներ, և՛ տարբերություններ՝ նրանցում ընդգրկված եպիսկոպոսական Աթոռների կապակցությամբ: Ագաթանգեղոսի խմբագրություններում հիշվածներից Ուխտանես եպիսկոպոսի ցուցակում առկա են միայն եպիսկոպոսական յոթ Աթոռների անուններ, իսկ մնացածները հիշվում են կա՛մ մեկում, կա՛մ մյուսում: Բացատրության կարիք ունի նախ և առաջ Ուտանի եպիսկոպոսական Աթոռը. «Ուտան» բառացի նշանակում է մայրաքաղաք, թագավորական քաղաք, արքունիք: 4-րդ դարի 30-ական թթ. այդպիսի քաղաք էր Դվինը, հետևաբար այս անվան տակ պետք է հասկանալ Դվինի եպիսկոպոսին, իսկ վերջինս նաև Ուտան գավառի առաջնորդն էր: Նշենք վերջապես, որ Տարոնի և Մամիկոնեից, Խոռխոռունյաց և Մաղխազների, Մարդաբետական և Սեպհական գնդի եպիսկոպոսությունները նույն Աթոռների տարբեր անվանումներն են. առաջինի համար ավելի գործնական էր Տարոնի, երկրորդի համար՝ Սեպհական գնդի անվանումը:

Ստորև այբբենական կարգով ներկայացնում ենք երկու ցուցակների համադրությամբ կազմած Հայոց եպիսկոպոսական Աթոռների ընդհանուր ցանկը՝ յուրաքանչյուր թեմի անունից հետո, փակագծերի մեջ նշելով, թե՛ ցանկերից որի մեջ է հիշվում այն (Ա՝ Ագաթանգեղոս և նրա խմբագրությունները, Ու՝ Ուխտանես): Մեր համոզմամբ՝ անվիճելիորեն Գրիգոր Լուսավորչից սկիզբ առնող թեմերի անուններից առաջ դնում ենք աստղանիշ.

Արեղենից տե՛ս Վանանդա,

* Աբխազաց (Ա)

* Ակեռ (Ու)

* Աղձնյաց (Ա)

* Աղվանից (Ա)

* Ամատունյաց (Ու)

* Անգեղ տան (Ա)

* Անձնացյաց (Ու)

* Ապահունյաց (Ու)

* Ասորյաց (Ու)

Ասորպատականի (Ա, *)

* Արարատո (Ա)

Արծնի (Ա)

* Արծրունյաց (Ու)

* Արշամունյաց (Ա, Ու)

* Արշարունյաց (Ու)

* Արտաշատի (Ա)

* Արքունական դրան բանակի (Ա)

* Բագրևանդա (Ա, Ու)

* Բաժունյաց (Ու)

* Բասենո (Ա, Ու)

Բզնունյաց (Ա)

Գաթեղենից տե՛ս Վանանդա

Գարդմանա (Ու)

* Գնունյաց (Ու)

* Գողթան (Ու)

* Դարամաղի (Ա)

Դերջանի (Ա), տե՛ս Եկեղյաց

Դվինի (Ա), տե՛ս Ոստանի	* Մարդաղվո (Ու)
Ելո (Ու)	Մարդապետական (Ա),
* Եկեղյաց և Դերջանի (Ա)	տե՛ս Սեպհական գմդի
Երուտական (Ու)	* Մեհմուդյաց (Ու)
* Եփրատական կողմաց (Ա)	Մյուս ասորյաց (Ու)
* Զարեհանից (Ու)	* Մոկաց (Ա, Ու)
Խոռխոռուդյաց (Ու),	* Շիրակի (Ա)
տե՛ս Մաղխազների	* Ոստանի (Ու)
* Մոփաց Մեծ (Ա)	* Պալուդյաց (Ու)
* Մոփաց Փոքր (Ա)	* Ռշտուդյաց (Ու)
Կարնո (Ա)	* Սեպհական գմդի (Ա)
Կողի թե՛ Կոտայքի (Ա)	* Սյունյաց (Ա, Ու)
Կոտայքի թե՛ Կողի (Ա)	* Սպերքի (Ա)
* Կորդվաց (Ա)	* Վաղարշապատի (Ա)
* Հաշտենից (Ա)	* Վանանդա, Արեղենից
* Հարքա (Ու)	և Գաբեղենից (Ա, Ու)
* Մաղխազների (Ա)	* Վրաց (Ա)
Մամիկոններից (Ու), տե՛ս Տարոնի	Տայոց (Ու), տե՛ս Տարոնի

Համադրական ցուցակը կարելի է լրացնել ևս երկու թեմով ու այն էլ՝ քավակաճաչափ համոզիչ պատճառաբանությամբ. Ագաթանգեղոսի հայերեն բնագրի համաձայն (պարբերություն 795)²³ Գրիգոր Լուսավորչին Կաթողիկոս ձեռնադրելու արարողությանը հատուկ շուք հաղորդելու նպատակով, արքայի կամքով, դեպի Կեսարիա և այնուհետև՝ տուն, Վաղարշապատ նրան ուղեկցում էին Հայաստանի 16 գլխավոր աշխարհների կուսակալներն ու իշխանները²³: Այս իրողությունը հուշում է, որ Գրիգոր Լուսավորչին այնուհետև, եպիսկոպոսներ ձեռնադրելիս, առաջին հերթին այդ 16 նախարարությունների ու քրեշխությունների նորադարձ քրիստոնյաների հոգևոր կարիքների մասին պիտի հոգար: Հիրավի, Հայոց դարձի պատմության հունարեն և արաբերեն խմբագրությունների մեջ արձանագրված են այդ 16 նախարարություններից 10-ում հաստատված եպիսկոպոսական Աթոռների անունները.

1. Անգեղ տան
2. Աղձնյաց
3. Թագակապ ասպետի կամ Սպերի (Բագրատունյաց)
4. Սպարապետական կամ Տարոնի (Մամիկոններից)
5. Մարդապետական կամ Սեպհական գմդի
6. Մոկաց

²³ Տե՛ս Ագաթանգեղոս, էջ 414, պարբ. 795: Արաքական խմբագրության մեջ ևս կան այս 16 քրեշխությունների և աշխարհների կուսակալների ու իշխանների անունները, միայն որպես ուղեկիցներ Տրդատ արքայի ու Գրիգոր Լուսավորչի, մի՞չ նրանք կործանում էին Հայաստանի հեթանոսական մեթյանները (տե՛ս Ն. Մառ, նշված աշխատ., էջ 49):

7. Սյունյաց
8. Մաղխազության կամ Խոռխոռունյաց
9. Ծոփաց
10. Կորդվաց:

Եվս երեք՝ Արծրունյաց, Ռշտունյաց և Զարեանդից մախարարություններում ու երկրամասերում հիմնված եպիսկոպոսական Աթոռների մասին վկայում է Ուխտամեսը: 14-րդը՝ Ուտիքի թեմն, ըստ էության, մույնը պիտի լիներ Ուխտամեսի հիշատակած Գարդմանի եպիսկոպոսական Աթոռի հետ, քանի որ Գարդմանը Ուտիք աշխարհի գավառներից էր:

Առանց եպիսկոպոսների են մնում Գուգարաց և Ծավդեից աշխարհները, որոնցից գոնե Գուգարքում, հենց սկզբից, անկախ թեմի առկայությունն անվիճելի է, քանի որ մեկ դար անց իր գործունեությունն է ծավալում Տաշիրի թեմը²⁴, որ Գուգարաց բղեշխության գավառներից էր: Պատմական աղբյուրներում վկայված չէ 16-ից միայն մեկի՝ Ծավդեից եպիսկոպոսական Աթոռի գոյությունը, թեպետ անհավանական չէ, որ Գրիգոր Լուսավորիչը եպիսկոպոս մշահակած լիներ մահ Հայաստանի այս հարավ-արևելյան աշխարհում ևս, մանավանդ որ, ըստ Ագաթանգեղոսի, նրա ձեռնադրած եպիսկոպոսների թիվը շուրջ 400 էր²⁵: Այսպիսով՝ Գուգարաց (Տաշրաց) և Ծավդեից թեմերը մույնպես պետք է հավելվեն Հայոց առաջին եպիսկոպոսական Աթոռների ցանկին:

Մեզ մնում է համադրական եղանակով քննել մի կարևոր սկզբնաղբյուր ևս՝ մարգալանական Հայաստանի վարչա-տարածքային բաժանմանը վերաբերող հանրահայտ Գահնամակը, որտեղ, ըստ իրենց գրաված տեղի ու դիրքի, հիշատակված են մեծ ու փոքր մախարարական տները, գավառներն ու երկրամասերը, արքունի կարևոր պաշտոնները: Դրանցից շատ-շատերն իրենց սկիզբն առնում են Արշակունյաց Հայաստանից և ճնշող մեծամասնությամբ առկա էին մահ Լուսավորչի ժամանակներում: Ահա իմչու, ուրվագծելով Գրիգոր Լուսավորչի օրերի Հայաստանյայց եկեղեցու նվիրապետական կառույցը, չենք կարող ամտեսել չորրորդ դարում ևս Հայաստանի կյանքում վճռական դեր խաղացած այդ մախարարություններն ու իշխանությունները՝ յուրաքանչյուրի սեփականությունը կազմող մահանգներով ու գավառներով:

²⁴ Տե՛ս Կորյուն, «Վարք Մաշտոցի», աշխատասիրությամբ Մ. Արեղյանի, Ե., 1941, հատված ԺԸ, էջ 74: Թեպետ ուղղակիորեն չի մշվում, որ Սամուելը Տաշիրի եպիսկոպոսն էր, քայց մեծ հետևություն է բերում վարքի տվյալ հատվածի ուշադիր ընթերցումը: Ըստ երևույթի՝ Սամուել եպիսկոպոսը հետագայում է դարձել Տաշիրի (կամ Գուգարքի) թեմակալ առաջնորդ, և առաջներում էր նրա տեսչությանը հանձնվել Վրաց արքունական տոմը, որը միանգամայն տարբեր էր Տաշիրի բղեշխությունից:

²⁵ Տե՛ս Ագաթանգեղոս, էջ 448, պարբ. 856. «Եւ որ յաստիճան եպիսկոպոսութեան ձեռնադրեցան ի մմանէ՝ տեղի քան զշորեքարիւր եպիսկոպոս, որք կացին տեսուչք տեղեաց»:

Գաճնաժակում, ըստ այդմ, ընդգծված է թվով 70 մախարարական տամ, գավառի ու երկրամասի անում և արքունի պաշտոն: Այդ ցուցակը մպատակահարմար չենք գտնում մեջքերել ամբողջությամբ, քանի որ հետաքրքրասերները դյուրությամբ կարող են գտնել այն Ն. Աղոնցի «Հայաստանը Հուստիմիանոսի դարաշրջանում» դասական աշխատության²⁶ և հայ պատմագիրների տարբեր հրատարակությունների ծանոթություններում (Մովսես Խորենացի, Եղիշե և այլն)²⁷: Այդ 70 անունից 12-ը մինևույն մախարարական տամ զուգահեռ ճյուղերի վերապահված լրացուցիչ գաճերի անվանումներն են, ինչպես օրինակ՝

- | | |
|-----------------------|-------------------------------------|
| 1. Այլ Ապահունի | 7. Բուխ Դիմաքսյան |
| 2. Այլ Անձալցի | 8. Այլ Դիմաքսյան |
| 3. Այլ Այլաք երկրորդ | 9. Այլ Աբեղյան |
| 4. Արծրունյաց երկրորդ | 10. Վանանդացի երկրորդ |
| 5. Արծրունյաց երրորդ | 11. Շիրակ Դիմաքսյան |
| 6. Մամիկոնեից երկրորդ | 12. Քաղաքապետ Արքունի ²⁸ |

Ելակետ ունենալով հայ իրականության մեջ արմատացած փորձը՝ համաձայն որի սկզբներում բացառվել է մինևույն մախարարական տամ զուգահեռ ճյուղերի տիրույթներում եպիսկոպոսական լրացուցիչ Աթոռներ հիմնելու անհրաժեշտությունը, մենք Գաճնաժակի 70 անուններից հապավում ենք 12-ը: Այժմ տեսնենք, թե ինչ են իրենցից ներկայացնում մնացած 58-ը:

Հայաստանյայց Եկեղեցու եպիսկոպոսական Աթոռների համադրական ցանկը, կազմված ըստ Ագաթանգեղոսի Պատմության, Գրիգոր Լուսավորչի վարքի հունարեն ու արաբերեն խմբագրությունների և Ուխտանես Եպիսկոպոսի Պատմության ընձեռած տվյալների, ներկայացրել ենք մախորդ էջերում: Գաճնաժակի 58 իշխանական տների ու գավառների անունները բաղդատելով վերջինիս հետ, դժվար չէ մկատել, որ դրանց մոտավորապես կեսն ընդգրկված է այստեղ: Այդ մախարարություններից ու գավառներից (մահանգներից) 25-ի համար Գրիգոր Լուսավորչի եպիսկոպոսներ էր ձեռնադրել հենց սկզբից: Հիշեցնենք դրանց անուններն ըստ Գաճնաժակի հերթականության՝ զուգահեռաբար նշելով նաև Զորանաժակի տվյալները²⁸ յուրաքանչյուրի ռազմական ուժի

²⁶ Տե՛ս Խ. ԱճՈՒ, նշված աշխատություն, էջ 249-250:

²⁷ Տե՛ս Մովսես Խորենացի, Հայոց պատմություն, թարգմ. Ստ. Մախասյանցի, Ե., 1940, էջ 336-338, ծան. 338, նաև հետագա արտատպությունները: Եղիշե, Ե., 1988, էջ 438-437, ծան. 189:

²⁸ Արքունի քաղաքապետության համար եպիսկոպոսական առանձին Աթոռ հիմնելը կլինի անհիմաստ, քանի որ Գրիգոր Լուսավորչի հատուկ եպիսկոպոս էր նշանակել «Արքունի քաղաքում» կամ վաղարշապատ մայրաքաղաքում:

²⁸ Զորանաժակի տպագրական պատճենը, մեծ թերթի վրա, հրատարակել է Հովհաննես Եպ. Շահխաթունյանը (տե՛ս «Ստորագրություն կաթողիկե Էջմիածնի և հինգ գաւառացի Այրարատայ», հ. Բ, Ս. Էջմիածին, 1842, մերդիր, գիտական վերծանությունը՝ Խ. ԱճՈՒ, նշված աշխատ., էջ 251-252):

մասին, որպեսզի դյուրին լինի պատկերացնել. թե այդ նախարարություններն ինչ կշիռ կարող էին ունենալ Արշակունյաց Հայաստանի պետական կյանքում ու առօրյայում: Ըստ այդմ՝ Գրիգոր Լուսավորիչը եպիսկոպոսական Աթոռներ է հաստատել ինչպես ռազմական առումով հզոր ու հեղինակավոր իշխանական տների տիրույթներում (օրինակ՝ Սյունյաց, Բագրատունյաց, Մամիկոնեից, Մոկաց. Կամսարականների և այլն), այնպես էլ փոքր ու համեստ իշխանությունների (Բժնունյաց, Մեհնունյաց):

Այդ 25 եպիսկոպոսական Աթոռները հետևյալներն են.

Խոռխորունյաց (Մաղխազ)	1000
Սյունյաց	19400
Ասպետն (Բագրատունյաց)	1000
Արծրունյաց	1000
Մամիկոնեից	1000
Ծոփաց	1000
Մոկաց	1000
Ռշտունյաց	1000
Անձապացյաց	500
Ապահունյաց	1000
Կամսարական	600
Վանանդա	1000
Ամատունյաց	"
Գողթան տուն	500
Գնունյաց	500
Տայոց	600
Բասենո	600
Գարդմանա	1000
Գաբեղենից	300
Արեղենից	300
Պալունյաց	300
Ակեաց	300
Զարեհավանի	300
Բժնունյաց	200
Մեհնունյաց	100:

Դառնանք մնացած 33 նախարարական ու իշխանական տներին և առանձնացնենք այս անգամ նրանց ամուսնները, որոնք արքունի բանակին տրամադրում էին 300-ից մինչև 4000 հեծյալ: Այս ձևով մենք ավելի մոտ կլինենք պատմական ճշմարտությանը: Այդ նախարարություններն են.

Վահունյաց (Վահնունյաց)	1000
Կասպեից	3000
Գընթունյաց	300

Սահարումյաց	300
Աշոցյան	500
Դիմաքսյան	300
Առավելյան	500
Ջյունական	300
Ընծայնոց	4000
Մանդակունյաց	300
Սյկունյաց	300
Երմանթունյաց	300
Սպանդունյաց	300
Առավենյան	300
Տրունի	300
Հավնունի	300
Որսապետն արքունի	
կամ Վարաժնունյաց	300
Արտաշեսյան	300
Մաղաքան կամ Մուրաքան	300:

Որ այս 19 նախարարական տներից եթե ոչ բոլորի, ապա գեթ 10-15-ի համար մույնպես Գրիգոր Լուսավորիչը ձեռնադրած պիտի լինե՞ր եպիսկոպոսներ և հիմներ առանձին Աթոռներ, վեր է ամեն կասկածանքից: Հետևաբար, առանց պատմական ճշմարտության դեմ մեղանչելու՝ անձամբ Գրիգոր Լուսավորչից իրենց սկիզբն առած վիճակների կամ եպիսկոպոսական Աթոռների ընդհանուր թիվը հարկ է ավելի ընդարձակել:

Հայոց պատմության տարեգրքերում, դեռ հին ժամանակներում, փայլել են Մանդակունյաց, Աշոցյան, Դիմաքսյան, Առավելյան, Գնթունյաց և Ընծայնոց նախարարական տների անունները: Հայտնի է, որ Տրդատ Մեծի հովանավորությունն էին վայելում Մանդակունիներն ու Աշոցյանները (տե՛ս Խորենացի, Բ, ձբ): Ըստ որում՝ եթե ոչ չորրորդ, ապա հինգերորդ դարում Մանդակունյաց հոգևոր միջավայրում է ձևավորվել Հայաստանյայց Եկեղեցու նշանավոր գործիչ Հովհան Մանդակունի Կաթողիկոսը: Հետագա դարերի հավաստի վավերագրերը պահպանել են Գնթունյաց եպիսկոպոսական Աթոռի անունը, որի թեմակալներից մեկը՝ Տեր Սահակ Գնթունին, գործակցում էր Անանիա Մոկացի Կաթողիկոսին Աղվանից և Սյունյաց Աթոռների ապստամբական ու աղանդավորական ձգտումներին վերջ տալու գործում՝ ենթարկելով նրանց Գրիգոր Լուսավորչի Աթոռին²⁹: Ոչ պակաս ուշագրավ տեղեկություններ են հասել նաև մեր հիշատակած մյուս նախարարությունների՝ Ջյունական, Սպանդունի և Վարաժնունի իշխանների մասին (տե՛ս Խորենացի, Բ, է), և, ընդհակառակը, Լուսավորչի ժամանակներում պետք է քացառել

²⁹ Տե՛ս Գ. Տեր-Մկրտչյան, Հայագիտական ուսումնասիրություններ, գիրք Բ, էջ 118:

Ալկումյաց նախարարության տիրույթներում առանձին եպիսկոպոսական Աթոռի գոյությունը, որովհետև պետական դավաճանության համար Տրդատ Մեծի հրամանով Ալկումիները ենթարկվել էին խստագույն պատժի՝ զոկվել սպարապետության պաշտոնից, իսկ կալվածքները, որոնք գտնվում էին Տարոնում, հանձնվել Մամիկոնյանների (տե՛ս Խորենացի, Բ, ձյ)։ Իսկ վերջիցս տիրույթներում կար առանձին եպիսկոպոսական Աթոռ։

Վարդանանց կոիվների շրջանում ուխտյալների հետ էին Աշոցյան, Առավելյան, Գճթունյաց, Դիմաքսյան, Ընծայոց, Սահառունյաց, Ալկումյաց, Մանդակունյաց, Վահուունյաց և Զյունական նախարարություններն իրենց գործերով³⁰։

Այս նախարարությունների տիրույթներում վաղօրոք հիմնված եպիսկոպոսական Աթոռների մասին հայ հին պատմագրության մեջ ուղղակի տվյալներ չկան։ Մնում են վարկածները։ Հինգերորդ դարը, հարկավ, չորրորդը չէր, և անցած մեկ ու կես հարյուրամյակի ընթացքում շատ բան էր փոխվել մեր հայրենիքում. Հայաստանից անջատվել էին առանձին գավառներ ու երկրամասեր, անհետացել և կամ, ընդհակառակը, վերածնվել երբեմնի նախարարական տներ, բայց մեր հիշատակած նախարարությունները գոյատևում էին և՛ հին օրերում, և՛ մոր, որով և խիստ հավանական է դառնում նրանց տիրույթներում եպիսկոպոսական Աթոռների առկայությունը և քրիստոնեության հզոր ազդեցությունն ու ավանդների հարատևումը։ Հետևաբար, Գահնամակի մնացած 19 իշխանական տների համար եպիսկոպոսական Աթոռներ հիմնած լինելու պարագան եթե ոչ ամբողջությամբ, ապա գեթ մասամբ չի կարող երկմտանքի առարկա լինել։ Մեր կարծիքով՝ դրանցից Աշոցյան, Առավելյան, Դիմաքսյան, Ընծայոց, Գճթունյաց, Զյունական, Մանդակունյաց և Վահուունյաց նախարարություններում, մաև հեռավոր կասպեից նահանգում (որը անմիջական հարևանության և սերտ կապերի պատճառով կարող էր Փայտակարանի հետ միասնաբար հանդես գալ) դեռ չորրորդ դարից հիմնադրված են եղել եպիսկոպոսական Աթոռներ, իսկ հավատացյալների փստաձվել հուսալի հոգևոր տեսչության խմամքի։

Ուզում ենք ընթերցողների ուշադրությունը հրավիրել մի անտեսված իրողության վրա ևս, հագուտ որի վկայող սկզբնաղբյուրը թեպետև ժամանակով բավականաչափ մոր է, Կիլիկյան շրջանից, բայց բոլոր նշաններից երևում է, որ քաղված է արժանահավատ տեղեկություններից։

³⁰ Վազար Փարպեցույ Պատմութիւն Հայոց և Թուրք առ Վահան Մամիկոնեան, աշխատութեամբ Գ. Տէր-Մկրտչեան և Ս. Մայխասեան, Թիֆլիս, 1904, էջ 45, որվագ Բ, հատված ԻԱ. - Եղիշե, եղանակ Ե։ Չնայած ավանդաբար Վահուունյաց իշխանին հիշատակել են Վասակ Այունու գործակիցների շարքում (տե՛ս Եղիշե, Ե. Տէր-Միմասյանի աշխարհաբար թարգմ., ծան. 109), բայց քուն Պատմությունից տեղեկանում ենք, որ Ավարայրի ճակատամարտի մախօրեին Վահուունյաց Գյուտն իր գործով Վարդան Մամիկոնյանի կողքին էր ու նրա բանակի մեջ։ Հնարավոր է, որ մա սկզբներում ինչ-որ տարակուսանքներ է ապրել և հակվել Վասակի կողմը, բայց վճռական պահին Վարդանի հետ էր, ինչպես և Աշտիշատի ժողովի ժամանակ։

Սմբատ Սպարապետն իր Տարեգրքում անդրադառնալով Ասորյաց եպիսկոպոսության հնագույն շրջանին՝ գրում է. «Հրամանաւ Սուրբ Գրիգորի եղաւ Սուրբ Թակոբ՝ Մծբնայ Հայրապետն, Պատրիարք Ասորոց. զի վասն անուան Հայրապետին Թակոբիկը անուանին: Զոր չորս Պատրիարքունքն եւ Պապն Հռոմայ ոչ ընդունին, բայց միայն Հայք: Զոր Յոյնք Սուրբ Թակոբայ մականունն Թակոբ Ծանծալոս ասեմ»³¹:

Ուխտանէս եպիսկոպոսն իր Պատմության «Թաղազս եպիսկոպոսաց՝ որք ընկալան Աթոռ ի տեղիս տեղիս ի Սրբոյն Գրիգորէ յիւրաքանչիւր գահս» գլխում (Ա, հ) 24-րդ գահը հատկացնում է «Ասորեաց»: Այն համոզումը կար, որ ասորիներին հատկացվածը սոսկական եպիսկոպոսություն էր, մինչդեռ Սմբատ Սպարապետն ընդարձակում է մեր իմացությունները սահմանները և հավաստում, որ ասորիների եպիսկոպոսական Աթոռը շատ ավելի հեղինակավոր ու պատվավոր էր՝ պատրիարքություն, և նոր երևույթ Հայաստանյայց Եկեղեցու նվիրապետական կառույցի մեջ:

Սկզբնաղբյուրները, խոսելով Գրիգոր Լուսավորչի օրերի եպիսկոպոսական Աթոռների մասին, գրեթե բոլորը համարում են համազոր Աթոռներ, միայն վրացիներին վերապահվածը քննադրում որպես միտրոպոլիտություն: Ներկա պարագայում նշանակում է, որ վրացիներից ավելի պատվավոր է եղել ասորիների դիրքը, որոնք շոշափելի ավանդույթն են նախադրուսավորչյան շրջանում Հայաստանի հարավային գավառներում և այլուր քրիստոնեության տարածման գործում:

Ազաթանգեղոսի պատմագրության մեջ գծված է քրիստոնյա Հայաստանի կամ Հայաստանյայց Առաքելական Եկեղեցու սպասավորների կողմից ավետարանվող վիթխարի երկրամասի համապատկերը՝ խիստ պերճախոս ու վառ գույներով: Նրա խոսքերով էլ ամփոփեմք սույն դրվագը.

«Եւ այսպէս ընդ ամենայն երկիրն Հայոց, ի ծագաց մինչև ի ծագս, ձգտէր տարածանէր զմշակութիւն քարոզութեանն և ւսետարանութեանն. ի Սատաղացոց քաղաքէն մինչև առ աշխարհաւն խաղտեաց, մինչև առ Կաղարջօք, մինչ ի սպառ ի սահման Մասքթաց, մինչև ի դրոմս Ալանաց, մինչ ի սահման Կասպից, ի Փայտակարան քաղաք արքայութեանն Հայոց, և յԱմդացոց քաղաքէն մինչև առ Մծբին քաղաքաւ, քերէր առ սահմանօքն Ասորոց առ նոր Օիրական երկրան, և առ Կորդոսօք մինչև յամուր աշխարհն Մարաց, մինչև առ տամբն Մահքը-Տան Իշխանին, մինչև յԱտրպատական ձգտէր տարածանէր զաւետարանութիւնն իր»³²:

Այս խորքի վրա միանգամայն տրամաբանական են դառնում մեր լրացումները 4-րդ դարի Հայաստանյայց Եկեղեցու նվիրապետական կառույցի մեջ՝ վերևում բերված ցուցակին հավելելով նախ Գուգարաց և Ծավդեից եպիսկոպոսական Աթոռները, իսկ այնուհետև՝ Աշոցյան, Առավելյան, Գնթունյաց, Դիմաքսյան, Ընծայոց, Կասպեից, Զյունական,

³¹ Տարեգրիք արարեալ Սմբատայ Սպարապետի Հայոց, հրատ. Կ. Վ. Ծահնագարդանցի, Փարիզ, 1859, էջ 135:

³² Ազաթանգեղոս, էջ 439-440, հատված 842:

Մանդակունյաց և Վահանունյաց, բոլորը միասին՝ տասներկու եպիսկոպոսական ճոր Աթոռ, գուցեև ուրիշներ, որոնց անունների ճշգրտումը կարոտ է մասնավոր ուսումնասիրության:

Որոշ հայագետներ անթաքույց կասկածանքով են նայում Հայաստանյայց Առաքելական Եկեղեցու եպիսկոպոսական Աթոռների և թեմակալ առաջնորդների մասին Ագաթանգեղոսի հաղորդած տվյալների վրա՝ 4-րդ դարի հոգևոր կյանքի ճանաչման խնդրում նախապատվությունը տալով Փափստոս Բուզանդի³³: Դրա մեջ որոշ ճշմարտություն կա, չնայած վերջինս տվյալ հարյուրամյակի առաջին տասնամյակների եպիսկոպոսական Աթոռներին ու թեմակալներին քիչ տեղ է հատկացնում և աղքատիկ տեղեկություններ հաղորդում: Փափստոսի ուշադրությունը զբաղած եպիսկոպոսները նախ և առաջ Գրիգոր Լուսավորչի ժառանգներն են և Աղքիանոսյան տոհմի ներկայացուցիչները, որոնք խառը հաջորդականությամբ զբաղեցրել են Մեծ Հայքի եպիսկոպոսապետի Աթոռը: Այդ առումով՝ Փափստոս Բուզանդը նախընտրելի սկզբնաղբյուր է: Նա է պատմում կաթողիկոսարանում, նույն դարում ու հետագայում, գրեթե մշտապես, զանազան պաշտոններ զբաղեցնող թվով 12 եպիսկոպոսների մասին՝ բնութագրելով նրանց իբրև կաթողիկոսի «աթոռակիցք... գործակիցք և խորհրդակիցք», ցավոք, այդ 12-ից տալով միայն երկուսի անունը՝ Ներսես Կաթողիկոսի «թելակալ» (այսինքն՝ գործակալ) Փափստոսի և «ներքինի, ներքնի» (այսինքն՝ խորհրդական) Զորթ եպիսկոպոսի (Զ, Ե)³⁴:

Թանկարժեք է, այնուհետև, Փափստոս Բուզանդի վկայությունը Դրան առաջնորդության («առաջնորդնաց Դրանն») մասին, որը եպիսկոպոսական հատուկ Աթոռ էր Հայաստանյայց Եկեղեցու մկրտապետական կառույցի մեջ: Խոսքով թագավորի ժամանակ (337-342) այդ Աթոռի առաջնորդն ապագա Ասպուրակ Մանազկերտցի եպիսկոպոսն էր, Աղքիանոսյան տոհմից (Զ, Դ): Այս առաջնորդության պարտականությունը Հայոց արքայի և նրա արքունիքի հոգևոր կարիքների հոգացումն էր և եկեղեցական ու ծիսական արարողությունների կատարումը: Ի դեպ, հայոց հետևողությամբ, նմանօրինակ եպիսկոպոսական Աթոռ էր հաստատված նաև հարևան Վրաստանում («եղեալ ի կարգ եպիսկոպոսութեան վիճակ»): Կորյունը հիշում է առաջիններից մեկին. «Սամուել անուն, այդ սուրբ և քարեպաշտոմ՝ եպիսկոպոս կարգեալ տամն արքունականի... Վրաց»³⁵:

Փափստոս Բուզանդը վկան է նաև Կորճեից կամ Կորդվաց Ծափակ եպիսկոպոսի գործունեության, որը Զավեն Մանազկերտցուց հետո բարձրացել է հայրապետական Աթոռին (Զ, Գ), և որի անունը, չգիտես

³³ Տե՛ս H. Adont, նշված աշխատություն, էջ 345:

³⁴ Այստեղ և ստորև փակագծերի մեջ նշված հայկական թվանշանները մատնանշում են Փափստոս Բուզանդի Հայոց պատմության համապատասխան Դպրությունը (մեծատառ) և գլուխը (փոքրատառ):

³⁵ Կորյուն, վարք Մաշտոցի, նշված հրատ., հատված ԺԵ, էջ 64:

իմշու, Մադաքիա արքեպս. Օրմանյանը չի ընդգրկել Հայոց Կաթողիկոսների ժամանակագրական ցուցակում:

Ինչ վերաբերում է ամփիջականորեն եպիսկոպոսական Աթոռներին ու նրանց առաջնորդներին, ապա այդ մասին ևս Փափստոս Բուզանդը հետաքրքրական տեղեկություններ է հաղորդում՝ բնութագրելով հմից եկող մի քանի Աթոռների առաջնորդներին.

1. Տարոնի առաջնորդ Դանիել Ասորի քորեպիսկոպոս և նրա հաջորդ Գինդ եպիսկոպոս, «որ էր գլխատր յայնմ ժամանակի ամենայն արեղայինց Հայոց անապատատրացն մեծակեցացն և վաներայիցն» (Գ, Ժդ և Զ, Ժզ):

2. Արտիթ եպիսկոպոս Բասենո և նրա հաջորդները՝ «եպիսկոպոսք Բասենայ գաւառին Մովսէս և Տիրիկ» (Զ, է և Ժզ):

3. Եպիսկոպոսն Տայոց Կիրակոս, «որ Շահապ անուն կոչէր» (Զ, Ժա):

4. Ջորթուազ եպիսկոպոս Վանանդա (Զ, Ժբ):

5. Խադ՝ եպիսկոպոս Բագրավանդա և Արշարունյաց (Դ, Ժբ): Արշարունյաց Աթոռը սկզբներում անկախ էր և հարևան թեմին էր միացվել Կամսարականների նկատմամբ Արշակ թագավորի սանձազերծած հայաձանձրների հետևանքով, մինչ կոտորում էին այդ տոհմի արական սեռի ներկայացուցիչներին: Խադ եպիսկոպոսը միաժամանակ Ներսես Մեծ քահանայապետի տեղապահը և աթոռակիցն էր (Դ, Ժբ և Ժէ):

6. Գրիգորիս՝ «Կաթողիկոս ... կողմանցն Վրաց և Աղուամից» (Գ, զ): Վրաց և Աղվամից Աթոռները միմյանցից անկախ եպիսկոպոսություններ էին, և այս միացումը ժամանակավոր բնույթ էր կրում:

7. Հակոբ եպիսկոպոս Մծբնա, Զգոն կոչված, որը վերևում հիշված Հակոբիկ ասորիների Պատրիարքն էր («Մեծն եպիսկոպոսն» - Գ, Ժ):

8-9. «Աղձնեաց և Կորդուաց եպիսկոպոսք» (Դ, Ժե), անունները չեն հիշվում: Այլ առիթով հանդիպում է Կորճեից (Կորդուքը վերջինիս գավառներից էր) Շահակ եպիսկոպոսը, որին անդրադարձա՞նք վերևում:

10. Հռհհ եպիսկոպոս, որդի Փառեն Հայրապետի. թեմի անունը չի նշված (Զ, ր-ժ):

11. Ահարոն եպիսկոպոս. թեմի անունը չի նշված (Զ, Ժդ):

Փափստոս Բուզանդն անուղղակի, բայց հույժ կարևոր տվյալներ է հաղորդում մաս իրեն ծանոթ եպիսկոպոսական մեծ ու փոքր ուրիշ Աթոռների կամ վիճակների մասին, մինչ անդրադառնում է Տրդատ Մեծի հրամանով Գրիգոր Լուսավորչին, հետևաբար և՛ նրա տոհմի Կաթողիկոսներին շնորհած կալվածքներին. «Զայնու ժամանակաւ Սուրբն Ներսէս շրջէր ընդ իւր ձեռական իշխանութիւնսն. զի հնգշտասան գաւառ զայն ձեռական իշխանութեան ունէին իբրև սեպհական ի բմէ, առանձին առոշոգի նոցա էր կարգեալ: Եւ յայն գաւառ գլխատր գաւառք այս էին՝ Այրարատ, Դարանաղէ, Եկեղեաց, Տարօն, Բզնունիք, Մոփք, և որ ընդ մէջ նոցա և որ շուրջ զնոքօք» (Դ, Ժդ):

Ս. Գրիգորի վարքի հունական ու արաբական խմբագրություններից, մասամբ և Փափստոս Բուզանդի Պատմությունից հայտնի է, որ հիշյալ վեց

գավառներում եպիսկոպոսական Աթոռներ էր հիմնել ամձամբ Գրիգոր Լուսավորիչը. ըստ որում՝ Այրարատում մեկ Աթոռի փոխարեն երեքը կամ չորսը, ու բոլորն էլ ենթարկվում էին ամփիջականորեն կաթողիկոսին. Մոփքում՝ մեկի փոխարեն երկու Աթոռ, Դարամաղում՝ մեկ Աթոռ՝ վերջինիս առաջնորդ նշանակելով քրմական դասից սերած Եվսեբիոս եպիսկոպոսին. Եկեղյաց գավառում՝ ճույնպես մեկ, որի առաջնորդն էր դարձյալ քրմական ծագմամբ Մովսես եպիսկոպոսը։ Տարոնի առաջնորդը Դանիել Ասորին էր։ Ամենայն հավանականությամբ, Լուսավորչի օրերից է սկիզբ առնում նաև Բզնունյաց եպիսկոպոսական Աթոռը, որը միավորված էր Տարոնի վիճակի հետ, ինչպես տեղեկանում ենք Վարքի արաբական խմբագրությունից։

Նշանակում է, Գրիգոր Լուսավորչի ու նրա ժառանգների ձեռական իշխանության տակ գտնվող 15 գավառներից առաջմ իրենց անուններով հայտնի այս վեցում, իրականում, հիմնված են եղել առնվազն եպիսկոպոսական ութ Աթոռ, որն իրավունք է տալիս պնդելու, թե միևնույն սկզբունքով՝ անունները չհիշված մնացած ինը գավառներում եթե գործեին մեկական Աթոռներ, ապա Լուսավորչի ձեռական իշխանությանը ենթակա 15 գավառներում հիմնված պետք է լինեին 15-18 կամ գուցե ավելի, մինչև 20 եպիսկոպոսական Աթոռներ։

Փափստոս Բուզանդը եպիսկոպոսական քիչ Աթոռների անուններ է հիշել, հազիվ 30, որից պիտի եզրակացնել, որ նրա տեսադաշտից դուրս մնացած Աթոռների թիվը պակաս չպիտի լիներ 30-ից։ Նշանակում է, Գրիգոր Լուսավորչի ու նրա ժառանգների օրերին, 4-րդ դարի առաջին տասնամյակներին (կամ կեսին), Հայաստանում գործել են ամենաքիչը 60 եպիսկոպոսական Աթոռներ, և այդ մասին մեր ենթադրություններն անհիմն չեն։

Որ Ն. Ադոնցը 4-րդ դարի Հայոց Եկեղեցու նվիրապետական կառույցի վերաբերյալ Փափստոս Բուզանդի հաղորդած տվյալները հույժ կարևոր է համարում, այդ առումով նա իրավացի է, բայց Ագաթանգեղոսը որքան էլ թերիներ ունենա, արհամարհելի չէ, որովհետև նրա պատմական կորիզը հավաստի է։

Ե՛վ Ագաթանգեղոսի Պատմությունն ու նրա օտարալեզու խմբագրությունները, և՛ Ուխտանեսի գիրքը, ստեղծված լինելով 6-8-րդ և 10-րդ դդ., Գրիգոր Լուսավորչի օրերից հարյուրամյակներ անց, անտարակույս, պարունակում են ժամանակագրական անճշտություններ՝ կապված եպիսկոպոսական այս կամ այն Աթոռի հաստատման ստույգ ժամանակի հետ, հետևաբար դժվար է անվերապահորեն պնդել, թե մեր վերականգնած ցուցակի բոլոր թեմերը 4-րդ դարի սկզբներին են ձևավորվել։ Բայց որ հիշվածներից հինգ-վեց տասնյակը հին պատմություն ունեն և Գրիգոր Լուսավորչի ու նրա եռանդուն գործակիցների՝ Աղքիանոսի և մյուսների հիմնադրածներն են, տարակուսանքի տեղիք չի տալիս։